

2. Մ: Արմանյան

ԱԳՐԱՐԱՅԻՆ ՀԱՐՑԻ ԼՈՒԾՄԱՆ ԵՐԿՈՒ ՈՒՂԻՆԵՐԸ
ԺԱՄԱՆԱԿԱԿԻՑ ԻՐԱՆՈՒՄ

Ամերիկյան և անգլիական իմպերիալիստները, Իրանը վերածելով արդյունաբերական ապրանքների սպառման շուկայի և հումքի բաղադրի, ընդգրկելով նրան իրենց ագրեսիվ ռազմական պլանների մեջ, միաժամանակ աշխատում են կոնսերվացիայի ենթարկել ու կայունացնել Իրանում իշխող ֆեոդալական-կալվածատիրական հարաբերությունները և ֆեոդալական կախման մեջ պահել բաշմամիլիոն իրանական գյուղացիությունը: Իրանում ֆեոդալական-կալվածատիրական հարաբերությունների կոնսերվացիայի իրենց քաղաքականությունը հիմնավորելու համար, ամերիկա-անգլիական իմպերիալիստները ցինիկաբար հայտարարում են, որ իբր թե այդ կարգերը Իրանի համար լավագույնն են, և որ ֆեոդալական կարգերի վերացումը, իբր կխախտեր ամբողջ երկրի էկոնոմիկան: «Կիսաֆեոդալական գյուղը,— գրում է ամերիկյան «Journal of Farm Economics»-ը,— Միջին Արևելքի գյուղատնտեսության սոցիալտնտեսական ինստիտուտն է: Այդ ինստիտուտի հանկարծակի վերացումը (ընդգծումը մերն է—Ղ. Ն.) կոշնչացնի կամ, լավագույն դեպքում լրջորեն կվնասի, գոյություն ունեցող միակ սոցիալական մեքենան, որը, եթե հաշվի չառնենք հողային ռեֆորմը, ուղի է հարթում ժողովրդի վարձացման համար: Շատ ավելի լավ է օգտագործել գոյություն ունեցող մեքենան և թողնել, որ հողային ռեֆորմը տեղի ունենա առողջապահության, կրթության և գյուղատնտեսության կատարելագործումներին զուգահեռ»¹: Ամերիկյան իմպերիալիստները ընդունում են, որ երկիրը պետք է որոշ չափով զարգացնել, թեկուզ հենց այն պատճառով, որ «հետամնաց երկրները,—գրում է նույն ժուռնալը,—ընդհանրապես լավ շուկաներ չեն հանդիսանում», պետք է «օգնել նրանց, որ նրանք ավելացնեն իրենց արտադրողականությունը», որպեսզի դառնան «լավ շուկա», այսինքն ամերիկյան իմպերիալիստների արդյունաբերական ապրանքների սպառման շուկա և հումքի աղբյուր: Իսկ ի՞նչ պիտի անել գյուղատնտեսական երկիրը զարգացնելու համար: Հենց այդտեղ էլ ամերիկյան իմպերիալիստները հանդես են գալիս ֆեոդալական-կալվածատիրական կարգի պաշտպանի դերում: «Որևէ ռևոլյուցիոն շարժում,— գրում է ժուռնալը,— որը կհասցնի կալվածքների բռնագրավմանն ու բաժանմանը՝ առանց փոխհատուցելու նախկին տերերին, իհարկե հարցի լուծումը չէ», իսկ ռևոլյուցիայի սարսափը փարատելու համար նրանք հայտարարում են, որ «այդ ուղղությամբ աշխատող ոեալ ուժ էլ չկա Իրանում», բայց քանի որ «որևէ երկրում, որտեղ շահագործվող մեծ թվով գյուղացիություն կա, ռևոլյուցիոն շարժումը միշտ էլ պոտենցիալ սպառնալիք է», ապա պետք է կիրառել, «կոնստրուկտիվ մեթոդներ», որպեսզի եթե երբևիցե ռեֆորմը իրականացվի, ապա այն «ոեալ և մշտական օգուտներ» տա²: Իսկ

¹ «Journal of Farm Economics», USA, 1948, vol. XXX, № 3, p. 438.

² Նույն տեղում, էջ 439:

Դրո՞նք են այդ «կոնստրուկտիվ մեթոդները»։ Իրանում ԱՄՆ-ի դեսպանության նախկին կցորդ Հագարին հայտարարում է, որ իրանական գյուղացուն «ավելի շատ տնտեսական և սոցիալական անկախություն» տալու համար, կան երեք եղանակներ՝ «ռեֆորմ արտալեզալ միջոցներով, կառավարության կողմից անցկացրած հիմնական ռեֆորմներով, կամ ներկա սոցիալական շրջանակներում ադմինիստրատիվ և տեխնիկական բարեփոխումների միջոցով»³։ Առաջին եղանակը ամերիկա-անգլիական իմպերիալիստների կարծիքով միանգամայն ընդունելի չէ։ Ինչո՞ւ։ Քանի որ, ինչպես դրում է անգլիական «Դեյլի Մեյլ» թերթը, «Իսլամի կրոնը գյուղացիներին կոչ է անում, որ սևփականության օրենքներին ու կարգին մեծ հարգանք տաժեն»⁴։ Նշանակում է, հողերի այդպիսի բաժանումը կխախտեր Իսլամի դոգմաները, իսկ անգլիական իմպերիալիստներն էլ «հարգելով» Իսլամը չեն կարող այդ բանին համաձայնվել։ Բացի այդ, դա կնշանակեր կոմունիզմ։ Ամերիկա-անգլիական իմպերիալիստների կարծիքով հողերի այդպիսի բաժանումը «ոչ մի ձևով չի լուծի պրոբլեմը», քանի որ ըստ նրանց «իրանական գյուղացին, լայնորեն ասած, հաճախ տգետ է, անտարբեր և հիվանդոտ»⁵ և «պատրաստ չէ գյուղատնտեսական անկախ օպերացիաներ կառուցմանը»⁶։ Երբ իր վրա կրելու՝ ինքն ինքն իսկ ֆեոդալական-կալվաժատիրական հարաբերություններն ու խոշոր հողատիրությունը վերացնելու անհրաժեշտություն զգացվի, ապա ըստ նրանց «պետք է, այդուհանդերձ, իմանալ, որ պայմանները դեռ հասունացած չեն այդպիսի միջոցառումների համար» և որպես ապացույց բերում են Խուզիստանի օրինակը, որտեղ իբր թե «իրանական գյուղացին ի վիճակի չէ աշխատել նոր պայմաններում, որոնք պահանջում են աճող անձնական պատասխանատվություն և տեխնիկական գիտելիքներ ու հմտություն»⁷։ Իրանի մասին մեծածավալ աշխատության հեղինակ ամերիկացի Վ. Հասսը գտնում է, որ գյուղացին ի վիճակի չէ հող ունենալ, նախ՝ այն պատճառով, որ Իրանի գյուղատնտեսության համար արտակարգ նշանակություն ունեցող «կանաթների կառուցումը և նրանց պահպանումը ախքան թանկ արժե, որ ոչ մի գյուղացի չի կարող այդ պրոբլեմը լուծել առանց ֆինանսական օգնության...» և հետո այն պատճառով, որ «հողագործության նոր մեթոդների և գյուղատնտեսական մեքենաների կիրառումը, գյուղացու ինտելեկտուալ և ֆինանսական կարողությունից վեր է»⁸։ Ուրեմն ըստ նրա գյուղացին հող ստանալու պարագայում կհանդիպի երկու գլխավոր դժվարությունների, դրանք են՝ «կապիտալի պակասը գյուղացու մոտ և նրա փորձի պակասը իր սևփական մշակելի ձեռնարկության կառավարման գործում», նա չի կարող իր հողամասը կառավարել, քանի որ «շատ է վարժվել... կալվաժատիրոջ կողմից ղեկավարվելուն»⁹։ Հետևաբար՝ Իրանում գոյություն ունեցող «նահապետական հարաբերությունները հողատերերի ու վարձակալների միջև» շատ ավելի նպաստավոր են «գյուղացիության դժվարությունները թեթևացնելու համար»¹⁰։ Ամերի-

³ „Middle East Journal“, 1951, № 2, p. 195.

⁴ տե՛ս (اطاعت) «Թթելաթ», 1952, մարտի 30։

⁵ „International Affairs“, 1946, vol. XXII, № 2, p. 270.

⁶ „Foreign Agriculture“, 1953, Feb., p. 35.

⁷ W. S. Haas, Iran, New-York, 1946, p. 201.

⁸ նույն տեղում, էջ 203։

⁹ „Foreign Agriculture“, 1953, Feb. p. 35.

¹⁰ W. S. Haas, Iran, New-York, 1946, p. 203.

կա-անգլիական իմպերիալիստները պնդում են, որ «գյուղատնտեսության մեջ իշխող կիսաֆեոդալական ներկա սիստեմի լուծումը, իրականում կիջեցնի ամբողջ արտադրության քանակը...» և հող մշակելու ծախսերը բարձրանալու հետևանքով «...շատ գյուղացիներ դժվարությունների կհանդիպեն»¹¹:

Ամբողջ վերոհիշյալից նրանք եզրակացնում են, որ «խելացի չի լինի ասել, թե խոշոր կալվածատիրությունից ռանկաւոճակի (ընդգծումը մերն է — Ն. Ի.) գյուղացիական հողատիրության անցնելը զործնական է»¹², այդ գործի համար պահանջվում է երկար տարիների կրթական աշխատանքներ և ֆինանսական ստրուկտուրայի նշանակալից բարեկարգումներ», որը գյուղացուն հնարավորություն կտա աստիճանաբար իր եկամտի մի մասը կողմ թողնելով կապիտալ կուտակել¹³, այլ կերպ նրանք ուզում են վարկաբեկել ռեւոլյուցիայի միջոցով կամ մինչև իսկ ռադիկալ բուրժուական հողային հարցի լուծելու եղանակը:

Բայց իմպերիալիստական շրջաններում կան մարդիկ, որոնք Իրանի պրոգրեսիվ շարժման հանդեպ բուռն ատելությամբ լցված լինելով հանդերձ, Սովետական Միության և համաշխարհային պրոգրեսի դեմ իրենց պայքարի ընդհանուր պլաններից ելնելով, նեխված և իր դարն ապրած ֆեոդալական կարգերի պահպանման հետ համաձայն չեն և այն գտնում են վտանգավոր: Օրինակ՝ նրանք գտնում են, որ «սիաստորեն գյուղական բնակչության մեջ հողազուրկների համամասնությունը տազնապալի է դառնում...», և քանի որ «մինչև իսկ անգրագետ գյուղացիները արդեն սկսում են հարցնել, թե ինչու իրենց աշխատանքից ստացված արդյունքից այդքան քիչ բան են ստանում», և որ այդ «նոր գաղափարները այնքան ուժեղ են, որ այլևս հին բալանսը վերականգնել չի կարելի»¹⁴, ուրեմն պետք է անպայման «օգտագործել բոլոր միջոցները» գյուղացիներին հող տալու ուղղությամբ, չնայած, որ դարավոր ֆեոդալիզմի իշխանության պայմաններում «ոչինչ ավելի դժվար չի կարող լինել»¹⁵, նման միջոցառումների դիմելու, այսինքն «հողային սեփականության սիստեմի արմատական փոփոխության, խոշոր կալվածատիրության վերացնելու, և երկրում մեծապես տիրող ֆեոդալական շահագործողական, կալվածատիրության փոխարինումը գյուղացիական հողատիրությամբ և գյուղական կոոպերատիվներով»¹⁶ առաջ էր քաշում Իրանում երկու անգամ «ֆինանսական խորհրդատու» եղած ամերիկացի Միլիսպաugh, որը միաժամանակ նշում էր, թե Իրանում «միշտ մի չգրված ու չարտասանված կանխապայման է եղել, այն, որ սոցիալական ռեֆորմները չպիտի դիպչեն իշխող դասակարգերի արտոնություններին կամ դրպանին»¹⁷:

Այս հարցում ավելի հեռուն է դնում ԱՄՆ-ի գերագույն դատարանի դատավոր Վիլյամ Դուգլասը: Ըստ նրա «ֆեոդալիզմն է, որ կոմունիզմի ներթափանցման համար ճանապարհ է հարթում», և հետևաբար նա առաջարկում է, որ կոմունիզմի դեմ պայքարելու համար ԱՄՆ-ը չպետք է «ամրապնդի ֆեոդա-

¹¹ „Middle East Journal“, 1951, № 2, p. 182.

¹² A. K. S. Lambton, Landlord and Peasant in Persia, 1953, p. 398.

¹³ „Foreign Agriculture“, 1953, Feb., p. 35.

¹⁴ „The Fortnightly“, 1952, № 1022, p. 104.

¹⁵ R. Payne, Journey to Persia, London, 1951, p. 45.

¹⁶ A. S. Millsapugh, Americans in Persia, Washington, 1946, p. 243.

¹⁷ Նույն տեղում, էջ 134:

լիզմը»¹⁸։ Դուզլասը ակամայից այստեղ մերկացնում է ամերիկյան իմպերիալիստների վարած քաղաքականությունը, որը հետապնդում է ֆեոդալական հարաբերությունների պահպանումը։

Պատերազմի տարիներին և հետպատերազմյան ժամանակաշրջանում դեմոկրատական շարժման աճի, գյուղատնտեսության անկման և երկրի տնտեսական վիճակի ընդհանուր վատթարացման հետևանքով Իրանի իշխող դասակարգերի որոշ ներկայացուցիչները հանդես եկան ագրարային բուրժուական ռեֆորմների անցկացման օգտին՝ դրանում տեսնելով իրենց գոյության շարունակումը։ Օրինակ՝ իրանական բուրժուական մամուլում տպագրված մի շարք հոդվածներում Ֆարհուդին, Նուռ-օլ-դին Ուստուանը, Ալինադի Լաշկարին, Նասիրին և ուրիշները հանդես էին գալիս իրանական գյուղացիության վիճակի բարելավման հարցի լուծման ծրագրերով։ Մեջլիսի դեպուտատ Աշթիանիդան, 1950 թ. մարտի 5-ին հանդես գալով մեջլիսի նիստում և խոսելով ռեֆորմների անցկացնելու անհրաժեշտության մասին, բացարձակ հայտարարեց. «Պարոնայք, կոմունիզմը կանխելու միակ միջոցը — դա ռեֆորմներն են»¹⁹։

Այժմ կանգ կառնենք «ռեֆորմներ» անցկացնելու բուրժուական տեսակետների վրա, որոնք արտահայտվել են Իրանի իշխող դասակարգերի ներկայացուցիչների ելույթներում, հրապարակախոսային հոդվածներում և աշխատություններում։ Նախապես ասենք, որ ֆեոդալական-կալվածատիրական կարգերի առկայության և պահպանման պայմաններում գյուղատնտեսության բնագավառում և կալվածատերերի ու գյուղացիների հարաբերությունների վերաբերյալ իշխող դասակարգերի ներկայացուցիչների կողմից ինչպիսի տեսակետներ էլ, որ առաջ քաշվեն, և ինչպիսի օրենքներ էլ, որ անցկացվեն, դրանք միշտ էլ ուղղված կլինեն հենց նույն կալվածատերերի շահերի պաշտպանմանն ու ապահովմանը։ Այստեղ պետք է նշել, որ անգամ այս պոչատ «ռեֆորմների» առաջարկները անհանգստացնում էին ամերիկյան իմպերիալիստներին։ Նրանք այդ «ռեֆորմների» ինչ-որ վտանգավոր հետևանքներով ցանկանում էին և են ահաբեկել Իրանի իշխող դասակարգերին. այսպես «Middle East Journal»-ը գրում է. «Չնայած աճող թվով իրանացիներ գալիս են այն գիտակցության, թե ինչքան կարևոր է գյուղատնտեսական աշխատավորի դրության բարելավումը, այդուհանդերձ մեծապես կասկածելի է այն, որ հողատեր արիստոկրատիայից շատերը իրենց մտածելակերպում իրականում հասած լինեն այնպիսի կետի, որ նրանք լրջորեն ընդունեն հետևանքներով լի ռեֆորմների դադափարը, որը կարող է վտանգել նրանց հարստությունը և քաղաքական իշխանությունը»²⁰։

Բնական է, որ ոչ մի ագրարային արմատական ռեֆորմի չի կարելի հույս ունենալ այնպիսի երկրում, որը «պրակտիկայում կառավարվում է հազար հարուստ ընտանիքների կողմից։ Նրանց է պատկանում հողը, նրանք են կազմում՝ կառավարությունը, մեջլիսը, նրանք են հսկում ֆինանսներին և բանակին...»²¹։ Ինչ կարելի է սպասել մի մեջլիսից «որի դեպուտատների մեծամասնությունը կամ պատկանում են կալվածատիրական դասակարգին, կամ կախում ունեն

¹⁸ «سکس» (اطلاعات) «Էքսպրես», 1952, ապրիլ 10։

¹⁹ (د) «Դադ», 1950, մարտի 6։

²⁰ «Middle East Journal», 1951, № 2, p. 181.

²¹ «Tribune», 1946, Jan. 18, London, № 473, p. 7.

ներանցից, մի փաստ, որը հողային ռեֆորմի անցկացումը դարձնում է շատ ավելի դժվար»²²։

Իրանական գյուղի թշվառ վիճակի բարելավման համար իշխող խավերի կողմից նորանոր ռեցեսսիաներ են առաջարկվում, այսպես՝ Իրանական բուրժուազիան այն կարծիքին է, որ այդ թշվառության վերացման միակ ուղին կապիտալի ներդրումն է գյուղատնտեսական աշխատանքներում։ Օրինակ՝ Թարիվիզադեն «Իրանի տնտեսական կյանքը և նրա սաստիկ աղքատության բուժման եղանակը» վերնագրով իր աշխատության մեջ «սոսկալի աղքատության պատճառը» համարում է «արտադրության ցածր մակարդակը», իսկ արտադրության ցածր մակարդակը արդյունք է «աշխատանքի և տնտեսական ակտիվության ցածր մակարդակի», իսկ այս վերջինն էլ՝ «տնտեսական հասունության և աճի պակասի», որտեղ աշխատանքը չի «քաջալերվում և հասարակության մեջ համարվում է ստոր ու ատելի մի երևույթ»։ Թարիվիզադեն այն կարծիքին է, թե գյուղատնտեսության եկամուտները շատ ցածր լինելով, մարդիկ (հասկանալ կապիտալիստները — Հ. Ն.) իրենց «աշխատանքը և կապիտալը» չեն ներդնում այդ գործի մեջ, որովհետև դա թե՛ եկամուտ չի խոստանում և թե՛ ապահովություն չունի։ Իսկ ինչ անել որպեսզի գյուղատնտեսությունը վերելք ապրի, հետևաբար և «սոսկալի թշվառ կյանք ունեցող բնակչության ավելի քան 80 տոկոսը» փրկվի այդ դրությունից։ Թարիվիզադեն առաջարկում է «բարձրացնել գյուղատնտեսական աշխատանքների եկամուտը, և դրանից ելնելով քաջալերել և երաշխավորել գյուղատնտեսական արտադրության համար ներդրված աշխատանքն ու կապիտալը»²³։

Ինչպես տեսնում ենք, սա լուր բուրժուական տեսակետ է, որը նպատակ ունի ապահովել կապիտալի նորանոր ներդրումներ գյուղատնտեսության բնագավառում։

Իրանում ազրաբային հարցի «մասնագետ» է համարվում նաև մեջլիսի նախկին ղեկավարատ Ֆարհուզին, որը բազմիցս մեջլիսում հանդես է եկել ազրաբային հարցի կապակցությամբ։ «1952—53 թթ. Իրանի տարեգրում» Ֆարհուզին ներկայացրել է իր նախագիծը, այսպես կոչված «Ֆարհուզիի ծրագիրը գյուղացիության զրոյթյունը բարեկարգելու մասին»²⁴։ Ֆարհուզին՝ ի տարբերություն Թարիվիզադեի, Իրանի «գյուղերում ապրող 15 միլիոն գյուղացիության» «աղքատության և թշվառության» պատճառներից մեկը համարում է նաև «կալվածատիրոջ վատ վերաբերմունքը գյուղացու նկատմամբ»։ Գյուղացու և կալվածատիրոջ հարաբերությունների հիմքում ընկած հինգ տարրերի պրակտիկան նա համարում է «ամենաարդար եղանակներից մեկը, որը երբևիցէ հնարավոր է գյուղատնտեսության մեջ կիրառել», որովհետև «Իրանում գյուղա-

²² «Current History», 1952, May, № 129, p. 275.

²³ Ջ ա մ ա դ Թ ա Ր Ր ի զ ի զ ա դ ե, Իրանի տնտեսական կյանքը և նրա սաստիկ աղքատության բուժման եղանակը, Խենդան, 1916, էջ 69—70։

جواد تبریزی زاده زندگی اقتصادی ایران و راه حاره فقر شدید آن تهران

. 1947

²⁴ «1952—53 թթ. Իրանի տարեգիրք», Ֆարհուզիի ծրագիրը գյուղացիության զրոյթյունը բարեկարգելու մասին, Խենդան, էջ 177—198։

سالنامه کشور ایران ۱۳۳۱ تهران ۵۳—۱۹۵۲ صفحه ۱۷۷—۱۹۸ طرح

فرهودی راجع باصلاح حال کشاورزان.

ցու հետ կալվածատիրոջ վերաբերմունքի հիմքը աշխատանքի մեջ մասնակցելն է և ոչ թե գյուղացու վարձակալությունը: Իսկ ինչո՞ւ է ապա գյուղացիության վատ վիճակի պատճառներից մեկը նա համարում «կալվածատիրոջ վատ վերաբերմունքը գյուղացու նկատմամբ»: Դրան նա պատասխանում է այսպես, որ «ժամանակի ընթացքում կալվածատերերի նյութական հզորությունը աճել է, և գործնականում նրանք գյուղացիների բաժնի նկատմամբ ոտնձգություն են արել»: Իսկ որո՞նք են այդ ոտնձգությունները, Ֆարհուդին պատասխանում է. «Բերքի նախապես գնումը կամ նատուրալ պարհակների պարտագրումը, ինչպես օրինակ՝ որոշ քանակի յուղի, հավի, ձվի, ոչխարի, ցախի, մինչև իսկ հացի գանձումը գյուղացիներից, կամ բեղարային աշխատանք պահանջելը», որի հետևանքով այսօրվա Իրանում գյուղացիները «այնպիսի աղքատության և թշվառության մեջ են, որի պատկերացնելը սարսափելի է և ավելին պատկերացնել չի կարելի»: Իսկ ո՞րն է այդ գրությունից դուրս գալու ելքը: Ֆարհուդին հայտարարում է, որ կա երկու եղանակ, այն է՝ «Հողերի բաժանումը գյուղացիների միջև և կալվածատիրոջ ու գյուղացու հարաբերությունների վերանայումը»: Իսկ ո՞ր եղանակով պետք է լուծել հարցը. հեղինակի կարծիքով՝ «Իրանի գյուղացիության դրության բարելավման համար հողերի բաժանման եղանակը, բացարձակապես ընդունելի չէ...»: Հողերի բաժանումը կարելի է իրականացնել միայն այն ժամանակ, երբ «գյուղացիները բավարար տնտեսական և հասարակական հասունություն ունենան» և «հողագործական աշխատանքների համար կալվածատիրոջ բարոյական ազդեցության և նյութական օգնության կարիքը չզգան»: Ֆարհուդին կողմնակից է երկրորդ եղանակին, այսինքն կալվածատիրոջ և գյուղացու հարաբերությունների վերանայմանը: Նա առաջարկում է, որ անպայման կիրառել հինգ տարրերի պրակտիկան, միայն ոչ թե բնօրր հինգ մասի բաժանել, այլ աշխատանքի բաժինը երկու անգամ ավելին սահմանել, քան մյուս տարրերի բաժինը, այսինքն բերքը հինգ մասի բաժանելու փոխարեն, վեց մասի բաժանել, որից երկու մասը գյուղացուն աշխատանքի դիմաց, իսկ մնացածն էլ ըստ տարրերի պատկանելիության: Բայց չպետք է կարծել, որ Ֆարհուդին առաջարկում է այդ նորաստեղծ մասը տալ գյուղացուն: Ոչ, նա առաջարկում է այդ 1/5-րդ մասը հատկացնել մի կազմակերպության, որը կզբաղվի գյուղացիների ապահովության գործով: Բերքը վեց մասի բաժանելու իր առաջարկը հիմնավորելու համար Ֆարհուդին հասնում է այնպիսի ցի-նիզմի, որ հայտարարում է, թե ինքը «բողոքում է» գյուղացուն և եղան մի շարքում դասելու դեմ, քանի որ «ինչպես դուք ինքներդ կհաստատեք պարոնայք, գյուղատնտեսության մեջ գյուղացու մասնակցությունը և ազդեցությունը եղից ավելին է, որովհետև եզր միայն վարելուն է մասնակցում, մինչդեռ գյուղացին թե՛ վարելուն է մասնակցում, և թե՛ ջրելու համար դիշերներն է անքուն մնում, մյուս կողմից՝ կենդանին միայն ինքն է ուտում, բայց գյուղացին պետք է երեք չորս հոգի ուրիշների էլ կերակրի...»²⁵

Ինչպես տեսնում ենք, Ֆարհուդին հանդես է գալիս ֆեոդալական-կալվածատիրական հարաբերությունների պաշտպանի դերում և աշխատում է՝ մեղ-

²⁵ «1952—53 թթ. Իրանի տարեգիրք», Թեհրան, Ֆարհուդինի ժրագիրը գյուղացիության դրությունը բարեկարգելու մասին, էջ 133:

سالنامه کشور ایران ۱۳۳۱ شمسی ان ۵۳-۱۹۵۲ طرح فرهودی راجع باصلاح حال کشاورزان صفحه ۱۸۸.

մացնելով կալվածատերերի ոտնձգությունները, անձեռնմխելի պահել ներկա գրությունը:

Նավթի ազգայնացման համաժողովի ղեկավար պալաթարի տարիներին, երբ լանվորական և գյուղացիական լավամիտներն մասսաները ոտքի էլան անղլիական իմպերիալիզմի դեմ, օրակարգի հարց դարձավ նաև ագրարային հարցը, որը վաղուց էր սպասում իր լուծմանը: Մոսադդիկի կառավարությունը այդ հարցում հանդես եկավ, որպես խոշոր կալվածատերերի շահերի պաշտպան: Նրա անցկացրած 20 տոկոսի օրենքի մասին մենք կանդրադառնանք մի այլ առիթով. այժմ կանգ առնենք ագրարային հարցի մասին նրա կառավարության ընդհանուր քաղաքականության վրա, որն իր արտահայտությունն է գտել գյուղատնտեսության միևնույն պաշտոնակատար Մանսուր Աթաբույունի տեսակետներում:

Աթաբույուն հայտարարում է, որ կալվածատերերը մեծ պարտականություններ են կատարում և «իրենց վրա են վերցրել արտադրական տարրերի կապի պարտականությունը և իրականում գյուղատնտեսական հարստությունների պատասխանատուն և երաշխիքն են»: Կալվածատերերը ոչ միայն հին սովորություններով գյուղերը կառավարում են, այլ նաև «պահում են ռայաներին»: Գյուղացիները «վարժվել են ծուլության», իսկ կալվածատերերը «ստիպում են նրանց աշխատել», բացի այդ, «ձմռանը և երաշտի տարիներին նրանց օգնում են», կանաթները և առունները մաքրում են, նորոգում և օգտագործելի վիճակում պահում: Աթաբույուն այս ամենը նշում է ապացուցելու համար, որ կալվածատերերի դրությունը անհրաժեշտություն է: Աթաբույուն դեմ է, որ խալիսե կամ շահի հողերը գյուղացիների միջև ձրի բաժանվի, որովհետև դա «չբաժանվող գյուղերի ռայաների նախանձի պատճառ կդառնա», որը վտանգ կստեղծի մյուս կալվածատերերի համար:

Կալվածքները կարելի է բաժանել երկու եղանակով՝ «կամ պետք է կալվածատիրոջը զրկել սեփականության իրավունքից, կամ կալվածքը դրամով պետք է նրանից գնել և գյուղացիների մեջ բաժանել»: Իսկ այդ երկուսից ո՞ր մեկն է նպատակահարմար: Աթաբույուն գտնում է, որ ոչ մեկը: «Առաջին եղանակը, — հայտարարում է նա, — Իսլամի կրոնին և կոնստիտուցիային հակառակ է», իսկ «երկրորդ եղանակով, եթե ուզենանք կալվածատիրոջը բավարարել և կալվածքի վրին նրան վճարել, հսկայական գումարի կարիք կզգացվի, և ներկա վիճակում այդպիսի քայլին դիմելը կառավարության համար հնարավոր չէ»: Բացի յրանից, կալվածատիրական հողերի բաժանումը կունենա նաև մի ուրիշ «անհամեմատ խիստ վտանգավոր հետևանք». այն է՝ «կալվածատերերը կաղքատանան», իսկ «տեղյակ և կրթված աղքատի դժգոհությունը անհամեմատ ավելի վտանգավոր է, քան պարզամիտ գյուղացու չքավորությունը»: Աթաբույուն հայտարարում է, որ ոմանց կարծիքով կալվածատերերը դաժանաբար են վերարերվում գյուղացիների հետ և հողերի բաժանման դեպքում գյուղացիները կազատվեն այդ ոտնձգություններից և նա ընդունում է, որ «որոշ շրջաններում այդ խնդիրը մասամբ ճիշտ է», բայց նա «ընդունում է» հողերի բաժանմամբ գյուղացիների փրկությանը, «որովհետև, քանի դեռ մարդկանց դիտելիքները, այսինքն լուսավորության, կրոնի և հավատքի մակարդակը երկրում բարձր չէ, հողերը բաժանելուց հետո էլ, առաջվա պես, ամեն մի հասկացող և ճարպիկ մարդ կիշխի և կշարաշահի պարզ և անտեղյակ մարդուն»:

Հարց է ծագում, իսկ ինչ պետք է անել: Աթալին այդ հարցին պատասխանում է, որ չնայած «շատ ընդարձակ հողերի ու բազմաթիվ գյուղերի պատկանելիությունը մեկ մարդու և գյուղերի ու հողերի բաժանումը փոքրիկ կոորդինների, երկուսն էլ երկրի գյուղատնտեսության ապագայի համար վնասակար և վտանգավոր են», բայց «եթե գյուղացին և կալվածատերերը ձեռք-ձեռքի տալով բերքի քչության հիմնական պատճառը հանդիսացող վարելահողերի աղքատությունը դարման անեն, երկուսն էլ կերջանկանան»²⁶։ Այլ կերպ՝ նա քարոզում է կալվածատիրոջ և գյուղացու հաշտեցում և համերաշխ «ձեռք-ձեռքի տված» աշխատանք։

Ինչպես տեսնում ենք, Մոսադդիկի կառավարությունն էլ հանգես էր գալիս կալվածատերերի շահերի պաշտպանի դերում և ամեն գնով աշխատում էր ոչնչացնել հողերը գյուղացիներին բաժանելու գաղափարը, մեկ այն հայտարարելով «կրոնին և կոնստիտուցիային» հակառակ և մեկ էլ անիրագործելի ու աննպատակ։

* * *

Երկրորդ համաշխարհային պատերազմի տարիներին և նրանից հետո ընկած ժամանակաշրջանում խորն անկում ապրեց Իրանի գյուղատնտեսությունը։ Տասնյակ հազարավոր քայքայված և թշվառության ենթարկված գյուղացիներ ստիպված եղան թողնել գյուղը և դիմել ղեպի քաղաք, որտեղ և նրանք լրացրին առանց այդ էլ բազմամարդ գործազուրկների, սովալլուկների և թափառաշրջիկների բանակը։ Իրանի էկոնոմիկայի ճգնաժամը ուղղակիորեն կապված է ամերիկյան և անգլիական իմպերիալիստների տնտեսական և քաղաքական ներթափանցման ուժեղացման հետ։ Իմպերիալիստները, ձգտելով առավելագույն շահույթի, Իրանը ենթարկում են անսահման շահագործման, թալանում են նրա բնական հարստությունները և քայքայում էկոնոմիկան։ Այդ բոլորի հետևանքով երկրում ծավալվեց բանվորական և գյուղացիական հզոր շարժում։

Իրանի բազմամիլիոն գյուղացիությունը, բանվոր դասակարգի և նրա ավանգարդ «Ռուդե» պարտիայի առաջնորդությամբ ոտքի կանգնեց ազատություն և հող ձեռք բերելու համար։

Դեմոկրատական շարժման ընդարձակման, հատկապես գյուղացիական հուզումների և պոռթկումների հաճախակի դառնալու հետևանքով, Իրանի իշխող դասակարգերը և նրանց շահերի պաշտպան կառավարությունը ստիպված եղան դիմել խորամանկության՝ գյուղացիության ծանր վիճակը բարելավելու կեղծ խոստումների ու միջոցառումների։ Այդ բոլորը ուղղված էր երկրում իշխող ագրարային հարաբերությունների պահպանման և գյուղացիական շարժումներին վերջ տալու նպատակին։ Իրանական շահագործող դասակարգերին այդ դործում հովանավորում էին ամերիկյան և անգլիական իմպերիալիստները, որոնք Իրանը վերածել են իրենց արդյունաբերական ապրանքների սպառման շուկայի և հումքի բազայի։

²⁶ Ա. Մ. Եղանյան «Էթնոկրաթ», 1953, հունիսի 5: Գյուղատնտեսության մինիստրի պաշտոնակատար ինժեներ Մ. Աթալու տեսակետները։

1941 թվականի հոկտեմբերին հիմնադրվեց «Իրանի ժողովրդական պարտիան» (Հեզբե Թուդեյե Իրան), որը շուտով միավորեց բանվորական, դեմոկրատական ինտելիգենցիայի և ուրիշ պրոգրեսիվ տարրերի լայն խավերին: Ժողովրդական պարտիայի նախաձեռնությամբ կազմակերպվեցին նաև կանանց, երիտասարդության և գյուղացիության դեմոկրատական միությունները: 1942 թվականին Թեհրանում գումարված պարտիայի առաջին կոնֆերանսը մի շարք պահանջներ առաջ քաշեց, այդ թվում կառավարության դեմոկրատացումը և նրա վերակազմումը Իրանի բնակչության լայն խավերի ներկայացուցիչներից, խոշոր կալվածատերերի հողերի գնումը և բաժանումը գյուղացիների միջև, Ռիզա շահի հողերի բաժանումը, բանվորական 8-ժամյա աշխատանքի սահմանումը, աշխատանքային օրենսդրության անցկացումը և այլն:

Ժողովրդական պարտիայի օրգան «Ռահբար» թերթը 1943 թվականի փետրվարին գրում էր. «Հողը հանդիսանում է գյուղացու սեփականությունը: Գյուղատնտեսության հետամնացության պատճառներից մեկը հանդիսանում է միջնադարյան կալվածատիրական ռեժիմը: Գյուղացիները կազմում են երկրի բնակչության մինչև 90 տոկոսը և հանդիսանում են ամենաճնշված դասակարգը: Այդ հետամնացության և դժբախտության պատճառը խոշոր կալվածատիրական հողատիրությունն է... Միջնադարյան կալվածատիրական ռեժիմը կասեցնում է հողագործության զարգացումը և նպաստում է կալվածատերերի քաղաքական դիրքի ուժեղացմանը»:

1942 թվականին ագրարային հարցում պարտիայի առաջ քաշած լուզունգները Իրանի քաղաքական դրության զարգացման համապատասխան էվոլյուցիոն ունեցան: Այսպես, 1944 թվականի օգոստոսին գումարվեց պարտիայի առաջին համագումարը, որը և հաստատեց պարտիայի ծրագիրը: Ծրագրում ասվում էր. «Հեզբե Թուդեյե Իրանը» շահագործվող դասակարգերի, այսինքն բանվորների, գյուղացիների, ազատասեր ինտելիգենցիայի և արհեստավորների պարտիա է». այնուհետև՝ «Հեզբե Թուդեյե Իրանը» պայքարում է հին ռեժիմների տնտեսական մնացորդների դեմ, ինչպիսիք են քոչվոր, ֆեոդալական տնտեսության մնացորդները. նա կոլումնակից է զարգացած, կենտրոնացած և Իրանի մասսաների շահերը պաշտպանող տնտեսության»:

Ծրագրի գյուղատնտեսական բաժնում ասվում էր.

1) Անհրաժեշտ ռեֆորմներ մտցնել երկրագործության բնագավառում հետևյալ կերպ՝ վարուցանքի համար պետական կալվածքները և հողերը անվճար հանձնել հողագուրկ գյուղացիներին.

2) Պետության միջոցներով գնել խոշոր կալվածքները և բաժանել գյուղացիների միջև վճարման տարաժամկետներով.

3) Ջրավոր գյուղացիներին նյութական օժանդակություն ցույց տալ գյուղատնտեսական բանկի միջոցով և ընդարձակել հողի մշակումը գյուղացիների վիճակը բարելավելու համար.

4) Հիմնական ռեֆորմներ անցկացնել կալվածատիրոջ և գյուղացու միջև բերքի ոչ արդարացի բաշխման կապակցությամբ: Օրենքներ հաստատել բերքի բաշխման հին կարգը և սովորությունները վերացնելու համար.

5) Քեղիսուղայի նշանակումը ընտրական հիմքերի վրա դնել.

6) Գյուղերում դպրոցներ և սանիտարական հիմնարկներ հիմնել՝ ընդհանուր կրթություն մտցնելու և գյուղի առողջապահական վիճակը բարելավելու նպատակով.

7) Զրի կանաչներ անցկացնել և արտեզյան ջրհորներ փորել, ամբարտակներ կառուցել և երկրի ոռոգումը գիտական մեթոդներով ընդարձակել, լիովին օգտագործել գետերը²⁷։

Այս և մի քանի ուրիշ կետերով պարտիան իր լողուններն էր առաջ քաշում ագրարային հարցի վերաբերյալ։

1944 թվականին կազմակերպվեց «Իրանի գյուղացիության միություն» պրոգրեսիվ կազմակերպությունը, որն իր ծրագրում պահանջում էր «արդարացի հարաբերություններ հաստատել կալվածատերերի և գյուղացիների միջև», միջոցառումներ կիրառել այն ուղղությամբ, որպեսզի հողագուրկ գյուղացիները հարմար գնով գնեն պետական և շահի հողերը, օրենք հրատարակել սահմանափակելու գյուղացիական հողերի վաճառքը, վերադարձնել գյուղացի խորհրդամալիքներին բոլոր այն հողերը, որոնք բռնի կերպով նրանցից վերցվել և ամլաքային սեփականության են վերածվել, վերացնել բեգարության բոլոր ձևերը, ամեն ձևի պարհակները, նվերները, գյուղացիներին օգնություն ցույց տալ տարերային աղետների և անբերրի տարիներին, գյուղատնտեսական բանկ կազմակերպել քաղաքներում և բաժանմունքներ գյուղերում, վերջ տալ չինովնիկների շարաշահումներին, գյուղատնտեսական միություններ կազմակերպել գյուղատնտեսության մեխանիզացիայի գործում գյուղացիներին օգնություն ցույց տալու համար, կազմակերպել ձրի բուժում, կազմակերպել ձրի իրավաբանական կոնսուլտացիա գյուղացիներին բռնությունից պաշտպանելու համար, բարելավել ոռոգման սիստեմը և այլն, և այլն։

Ինչպես տեսնում ենք, «Թուղե» պարտիայի և գյուղացիական միության ծրագրերի մեջ այս էտապում ղեկուս հստակ կերպով չէր դրվում ամբողջ կալվածատիրական հողերի բռնագրավումը և անփոխարինաբար գյուղացիների միջև բաժանելու խնդիրը, այլ միայն առաջ էր քաշվում պետական հողերի բաժանման, խոշոր կալվածատիրական հողատիրության սահմանափակման և նշանակալից չափով գյուղացիության դրության բարելավման հարցը։

Բայց չնայած դրան, միլիոնավոր իրանական գյուղացիներ, որոնք ապրում էին կիսաքաղց վիճակում և տառապում էին մարդկային ուժերից վեր կոռային աշխատանքներից, պարհակներից և կալվածատերերի ու չինովնիկների կամայականություններից, իրենց հայացքը ուղղեցին դեպի ժողովրդական պարտիան, որը հանդես էր գալիս նրանց շահերի պաշտպանի դերում։ 1946 թվականի աշնանը ժողովրդական պարտիայի ղեկավարությամբ միության մեջ ընդգրկվել էին մոտ կես միլիոն գյուղացիներ։ Ժողովրդական պարտիայի հոգատարությունը գյուղացիության կարիքների նկատմամբ գրավում էր իրանական գյուղացիության համընդհանուր համակրանքը, և շուտով, ինչպես հայտարարեց ժողովրդական պարտիայի ղեկավարներից ղոկտոր Քեշավարզը, ժողովրդական պարտիայի և նրան կից պրոֆմիությունների, երիտասարդական, կանանց և գյուղացիական միությունների անդամների թիվը հասավ մինչև մեկ միլիոնի։

Իրանի պատմության մեջ առաջին անգամ էր աշխատավորական մասսաների այդպիսի խոշոր կազմակերպություն ստեղծվում, որը պայքարում էր նեխված և իր դարն ապրած սոցիալ-տնտեսական կարգերը խորտակելու և

²⁷ Տե՛ս՝ «Հակաֆաշիստ թերթ», Թավրիզ, 1944, հոկտեմբերի 1։

րանվոր դասակարգին ու գյուղացիական հոծ մասսաներին միջնադարյան շահագործումից ազատագրելու համար:

1948 թվականի ապրիլի 23—26-ը Թեհրանում գումարվեց ժողովրդական պարտիայի երկրորդ համագումարը, որը մի շարք այլ հարցերի թվում բննարկեց և համապատասխան որոշումներ ընդունեց նաև գյուղացիական շարժումների մասին: Երկրորդ համագումարից հետո ամբողջ Իրանում գյուղացիական շարժումները էլ ավելի մեծ թափ ստացան և պարտիան առաջ քաշեց ագրարային հարցի լուծման միակ ճիշտ լուրջագր ամբողջ հողը անվճար կերպով տալ գյուղացուն: Պարտիայի օրգան «Բեսուլե Այենդե» թերթը, արտահայտելով ամբողջ գյուղացիության ցանկությունը, գրում էր. «Հողերի բաժանումը պետք է կատարվի: Դա մի երևույթ է, որ ոչ միայն գյուղացիները, այլ Իրանի բոլոր ազատասերներն են ցանկանում: Բայց հողերի բաժանումը, և դեմոկրատական իրավունքների ամրապնդումը, ինչպես և ամերիկյան օկուպացիոն ուժերի ու անգլիական գաղութարարական տարրերի վտարումը, մի գործ է, որը պետք է կատարվի Իրանի բանվոր դասակարգի ղեկավարությամբ և ժողովրդի միացյալ ճակատի ընդարձակ պայքարի միջոցով: Հողերի բաժանումը պետք է անվճար լինի... Մինչև իսկ հողերի անվճար բաժանումն էլ բավական չէ, պետք է դավաճան խոնների ունեցվածքի բռնագրավումից և ազգային եկամուտի մյուս աղբյուրներից օգնել հող ստացած գյուղացիներին որպեսզի նրանք կարողանան, անհրաժեշտ դրամագլուխ և միջոցներ ունենալով, գյուղատնտեսությունը մեխանիզացնեն և արորից ու գույքներից, այդ մի բանի դար առաջվա մնացուկներից, հրաժարվեն»²⁸:

Հանուն ամբողջ կալվածատիրական հողերի նացիոնալիզացիայի և անփոխարինարար գյուղացիների միջև բաժանելու պայքարը, դարձավ ագրարային հարցում Իրանի աշխատավորական հոծ մասսաների գլխավոր լուրջագր: Իրանական պրոգրեսիվ մամուլը կոչ էր անում, խոշոր կալվածատերերի և ֆեոդալների կալվածքները անփոխարինարար բաժանել գյուղացիների միջև: «Ձեզդե Էսթեմար» թերթը գրում էր. «Իրանական գյուղացիները խոշոր կալվածատիրություն, ֆեոդալիզմի և ճորտատիրության մնացուկների վերացման, հող և ազատություն ձեռք բերելու համար են պայքարում և ոչ թե կալվածատիրական բաժնի 10 կամ 15 տոկոս ձեռք բերելու համար (նկատի ունի կամավ Էս Սալթանեի և Մոսադդիկի կառավարությունների ագրարային օրենքները—Հ. Ե.). վարելահողերի ամբողջ բերքը պատկանում է հողի վրա աշխատող գյուղացիներին: Իրանի գյուղացիներ, ձեզ է պատկանում ամբողջ բերքը այն հողի, որի վրա դուք աշխատում եք: Խոշոր կալվածատիրությունը, ֆեոդալիզմի և ճորտության մնացուկները ոչնչացնելու և հող ու ազատություն ձեռք բերելու համար միացեք և պայքարեցեք»²⁹:

Գյուղացիներին օգնություն ցույց տվող միություններ մի հատուկ նամակով Իրանի այն ժամանակվա սրեմիեր-մինիստր Ղոնտոր Մոսադդիկից պահանջում էր անցկացնել հետևյալ օրենքը:

«1. Բոլոր հողագույրի և սակավահող գյուղացիներին բավարար չափով հող, ջուր և վարուցանքի միջոցներով ապահովելու համար, պետք է ֆեոդալ-

²⁸ (سوی آینه) «Բեսուլե Այենդե», 1952, հունիսի 4:

²⁹ (ضد استعمار) «Ձեզդե Էսթեմար», 1952, օգոստոսի 17:

ների, խաների և խոշոր կալվածատերերի՝ ամբողջ ընդարձակ ցանքսային կալվածքները բաժանել գյուղացիների միջև այնպես, որ գյուղացիները ձրի և անփոխարինարար բավարար չափով հող, չոր և վարուցանքի միջոցներ ձեռք բերեն:

Մանրորոշում.— Գյուղացիների բոլոր պարտքերը խոշոր կալվածատերերին, խաներին և ֆեոդալներին վերջնականապես պետք է չեղյալ համարվեն:

2. Պետական խալիսե հողերն ու կալվածքները, ինչպես և շահի լոնսագրաված բոլոր կալվածքները ձրի և անփոխարինարար բաժանել գյուղացիների միջև:

Մանրորոշում.— Այսպես կոչված վակֆային Փեհլևի հողերի վաճառքի դիմաց գյուղացիներից գանձված ամբողջ գումարը պետք է վերադարձվի նրանց: Խալիսե և շահի կալվածքների վրա աշխատող գյուղացիների բոլոր պարտքերը կառավարությանը և Փեհլևի կալվածքների վարչությանը պետք է չեղյալ համարվեն:

Քանի դեռ հողը գյուղացիներին չի տրվել գյուղացու և կալվածատիրոջ միջև բերքի բաշխման կարգը պետք է վերանայվի հոգուտ գյուղացու. այնպես, որ բոլոր ցանքսերի՝ անկախ նրանց ջրովի կամ անջրդի լինելուց և ամեն տեսակի կուլտուրաների՝ հացահատիկի և ընդեղենների, կերի ու տեխնիկական կուլտուրաների, ծառերի և այլ բերքի կալվածատերերի բաժնից պետք է 50 տոկոս պակասեցնել ու ավելացնել գյուղացու բաժնին:

Մանրորոշում.— Այս կարգը պետք է կիրառվի նաև 1331 (1952) բերքի նկատմամբ¹⁰:

* * *

Ինչպես տեսնում ենք, իրանական ռեակցիոն շրջանները ամերիկյան և անգլիական իմպերիալիստների անմիջական հովանավորությամբ ձգտում են կոնսերվացիայի ենթարկել և կայունացնել Իրանում իշխող ֆեոդալ-կալվածատիրական հարաբերությունները: Բայց իրանական գյուղացիությունը արդեն արթնացել է: Վերջին տասնամյակներում Իրանում ծավալվել է գյուղատիրական շարժում: Իրանի բազմամիլիոն գյուղացիությունը բանվոր դասակարգի առաջնորդությամբ ոտքի է կանգնել ազատություն և հող ձեռք բերելու համար:

¹⁰ (10) «Աեհա», 1952, սեպտեմբերի 28: